

AKORDIOA LOTZEKO «XEHEBASUN BATZUK» BESTERIK EZ DIRELA FALTA ESAN DU AZNARREK

PPk eta CiUk akordioa lortu dute soldadutza ezabatzeke

Legegintzaldi honetan zehar soldadutza bertan behera uzteko eta Armada guztiz profesionala egiteko urratsak emateko konpromezua hartu dute PPk eta CiUk. IUk begi onez hartu du proposamena eta PSOEk zuhurrago jokatzeko eskatu du.



Jose Maria Aznar eta Juan Ignacio Barrero Senatuko lehendakaria atzo. EFE

Erredakzioa / Baiona

MARTXOAREN 3ko hauteskundeetarako programan Armadaren profesionalizazioa eskaini zuten CiUk eta EAJk. PPk ere proposamen hau egitea aztertu zuen hainbat hilabetez, baina azken unean soldadutza beste hiru hilabetez murriztea eta soldaduei hilean 30.000 pezeta ordaintzea proposatu zuen. Sei hilabetezko soldadutza Jacques Chirac Frantziako Errepublikako presidentek proposaturiko ideia zen, baina honek ere Armada profesionalizatzeko bidean jarri zuen otsailean. Frantzian sei urte iraungo du soldadutza desagertaraziko duen prozesuak —oraindik guztiz zehaztuta ez dagoena—, baina Espainian ere antzeko epea beharko dela iritziz diote PPko eta CiUko negoziatzaileek. Armada profesionalizatzeko, aditu gehienek arabera, Defentsa gastuak handitzea dakar. Maastrichteko Itunaren baldintzak betetzeko, defizit publikoa murriztu nahi duten garai honetan zaila izango da Armadarentzat dirua aurkitzea.

PPren gobernuak edo bere alde dagoen edozein alderdiren lege proposamenarekin abiatuko da Armadaren profesionalizazioa. PPk gainerako talde politikoen sustengua bilatuko du.

Soldadutza desagertarazteko konpromezuak airean uzten ditu EAJk eta CiUk legegintzaldi honetan gai honi buruz egin nahi zituzten beste hainbat proposamen. Hain zuzen ere, soldadutza eta Soldadutza Ordezko Zerbitzuak (SOZ) berdin irautea,

Armadan dagoen soldaduak eragozpena aurkeztu ahal izatea, Kode Penalean intsumisioen zigorrak aldatzea eta Eragozpenaren Batzorde Nazionala ezabatzea.

Soldadutza bertan behera uzteko proposamen honek erreakzioak sortu ditu berehala. Rosa Aguilar IUko bozeramaileak bere taldearen aldeko botoa iragarri zuen eta gogorarazi zuen beren hauteskunde programako puntuetako bat zela. Akordioa lortuko balitz, lehen ondorioa intsumiso preso guztiak kalera ateratzea izan beharko litzatekeela azpimarratu zuen Aguilarrek.

Jordi Solé Tura diputatu sozialistaren iritziz, ordea, Armada eredua erabakitzea talde politikoko

guztiei dagokie, eta negoziazio «azkar» batean gai hori ez lotzeko eskatu zien PPri eta CiUri.

Aznar: «Akordioa lortzeaz dago» • PPren eta CiUren arteko negoziazioetan eztabaidatzen ari diren gaien artean beste zenbait ere jakin dira azken egunotan. Hauen artean dago Katalunian egoitza duten enpresa publikoetako kontseilariak Generalitateak aukeratzea, Kataluniako autobideen eta errepideen kompetentziak Kataluniaren esku geratzea, ingurugiroa eta autoeskolak Generalitateak kontrolatzea eta INEMen zenbait betebeharrak Gobernu autonomiko katalanak kudeatzea. PPk onartu du dagoeneko Katalunian trafiko

koa Mosso d'Esquadrek kontrolatzea, baina bitartean guardia zibilak Generalitatearen esku izatea eskaini du. Autonomien finantzaketa ereduari buruz ere ados dira PP eta CiU, baina zenbait xehetasun erabaki behar dituzte oraindik. Tarragonako eta Bartzelonako portuak Generalitatearen kontrolpean geratuko direla argi dago, eta ikusteke dago Kataluniako Osasun Zerbitzuaren finantzaketa nola egingo den.

Gauzak horrela, «negoziazioak ia lotuta» daudela ziurtatu zuen atzo Jose Maria Aznarrek. Nolanahi ere, onartu zuen negoziatzioak ez direla itxi eta «xehetasun batzuk» falta direla, datozen egunotan lotuko liratekeenak. Akordioei azken ukitua emateko datozen egunotan Jordi Pujolekin elkarrizketatzea «logikoa» dela esan zuen eta itunaren garrantzia azpimarratu zuen. XXI. mendeko Estatua antolatzen ari gara eta gure herriari modernizaziorako bultzada emango diogu esan ondoren, ustekaberik ez zela izango gaineratu zuen: «Askok txistu egin arren, inork idatzi nahi ez zuen musikari hitzak eta partitura jartzen ari gatzatzen. Txistu egiteki ekintzetara igaro gara».

CiUn zuhurrago dira Aznar baino, eta inork ez du onartu nahi negoziatzioak amaitzen ari direla. «Erritmo onean doaz» besterik ez dute esaten buruzagi nazionalistek. Negoziazioei buruz hitz egiteko bilera garrantzitsua egin zuten atzo Pujolek, Joaquim Molinsek eta Josep Antoni Duran Lleidak. X

Kutxa bakarra ez haustea aholkatu dute sindikatuek

Efe / Madril. -Elkarrizketa soziala ezinezkoa izango da Gizarte Segurantzaren eta Enplegu Institutu Nazionalaren (INEM) kutxa bakarrak hausten badira, atzo CCOO eta UGTk ohartarazi zuten. Espainiako sindikatu nagusien arabera, Gizarte Segurantzaren eta INEM komunitate autonomoen artean banatzen badute, «Estatuaren gizarte kohesioaren mamia hautsiko dute eta Ongizatearen Estatua arriskuan» izango da.

Antonio Gutierrez eta Candido Mendez sindikatuburuek onartzen jo zuten PPk nazionalistekin negoziatzea, baina akordioan agertzen diren gai sozio-ekonomikoak beraiekin ere eztabaidatzeko exijitu zuten. Felipe Gonzalezek egindakoa berriz ez egitea aholkatu zion Gutierrezek Jose Maria Aznarri. CCOOko buruaren arabera, «Gonzalezek huts egin zuen joan den legegintzaldian egonkortasun politikoa lortu ondoren, gizarte egonkortasuna ahaztu eta lan erreforma inposatu zuenean, greba orokor bat eta mobilizazioak eragin zituelako».

Gutierrezek kritikatu egin zuen «eskuinak gobernatzeko duen larritasuna», bere ustez, kaleratzeak merkatzeko eta gizarte babesa gutxitzeko mezuekin nahasten baitu.

laburrean

■ PKK-ko 13 kide zigortu dituzte Parisen turkiarrak estortsionatu zituztelakoan

PARISKO Auzitegi Korrekzio-nalak urtebete eta hiru urte arteko espetxe zigorrak ezarri dizkie Frantzian bizi ziren turkiar batzuk estortsionatu zituzten hamahiru kurduri. Ustez PKK erakundekoak ziren kurdien buru Hasim Gornul zen, Zana esaten diotena. Bere gidaritzapean, kurduek turkiarrei dirua eskatzen zieten PKK finantzatzeko, eta mehatxatu egiten zituzten. Gonulek hiru urteko espetxe zigorra jaso du, eta bi urte eta erdi igaro ondoren Frantziako Estatutik kanporatu egingo dute. X

■ Amaren gorpua topatu dute Senara bere burua bota zuen korearraren mailetan

ASTELEHENEAN Senara bota bere buruaz beste egin zuen Woo Yuell Hwang 32 urteko korearraren amaren gorpua aurkitu dute urpekariak maleta batean. Bere burua Bercyko zubitik ibaira bota zuenean, bi baliza zituen Woo Yuell Hwangek eta horietako batean topatu dute 52 urteko amaren gorpua. Beste mailetan amaren burua aurkituko dutela uste du Poliziak. Antza denez, eztabaida bizi baten ondorioz, gazte korearrak ama hil zuen eta lepoa moztu zion. X

■ Espainiako Estatuaren defizita handitu egin da martxoan

JOAN DEN martxoan Espainiako Estatuaren defizita % 14,9 hazi zen iazko hilabete berarekin alderatuta. Hain zuzen ere, Estatuak 692.000 milioi pezeta galdu zituen. Sarrerak % 1,4 igo ziren eta gastuak, berriz, % 8. Nolanahi ere, aurtengo lehen hiru hilabeteetan beherantz egin du defizit publikoa, % 18,7 alegia. Ekonomia Ministerioaren arabera, datuak onak dira. X

■ PSOEk beste senadore bat lortu du IUren kontura

ANDALUZIAKO Legebiltzarak atzo aukeratu zituen Senatuan komunitate honen ordezkari izango direnak. Zortzi senadoreetatik lau PSOEkoak dira, hiru PPkoak —horien artean Javier Arenas— eta bat IUkoa. Aurreko legegintzaldian sozialistek hiru senadore aukeratu zituzten eta IU alderdiak bi. Ezkerreko koalizioako ordezkari bat Alvaro Martinez ekologista zen, baina Andaluziako Legebiltzarretik kanpora geratu denez, senadore kargua ere galdu egin du. X